

BATAKURU YUUHANNA ARANURU NDUN

Fii Daaluyee Ngurndan d'an

¹ Ko wonnoo kon gila ka fuddoode, ko d'un men nani, men yi'iri gite amen den, men punnii, men meemiri juude amen den, d'un ko daaluyee ngurndan d'an. ² Awa, ngurndan d'an feejii, men yi'ii d'an, meden seeditanaade d'an. Meden fejjinande on *ngurndan poomayankejan d'an, d'an wondunoodan e Baabaajo on, d'an fejjinanaama men. ³ Meden hollitude on onon kadi ko men yi'i kon e ko men nani kon fii no laatoron humondirbe e amen e nder humondiral men e Baabaajo on e Biddo makko on, d'un ko Iisaa Almasiihu on. ⁴ Meden windude dundoo fii no weltaare men nden timmira.

Fii Wonugol ka Ndaygu

⁵ E hino kibaaru mo men naniri mo on, meden banginande on mo: Alla ko ndaygu, niwre woo alaa e makko. ⁶ Si en innii hid'en humondiri e makko, kono hid'en yahude e nder niwre nden, haray en fenii, en wuuriyallo goonga on. ⁷ Kono si tawii hid'en yahude e nder ndaygu ngun, wano o woniri non kanko tigi ka nder ndaygu, haray hid'en humondiri, d'un haray yiiyan Iisaa Biddo makko on no *labbinde en e kala junuubu.

⁸ Si en innii en aldaa e junuubu, haray en d'aynitike enen tigi, d'un haray goonga on alaa e men. ⁹ Si en qirritike non junubaaji men din,

Alla ko Sella-Findeejo, Feewudo, o yaafanto en junuubaaji men din, o labbina en e kala bonnere. ¹⁰ Si en innii en wadaali junuubu, haray en wadii mo fenoowo, d'un haray daaluyee makko on alaa e men.

2

¹ Faybe an, mido windande on d'fundoo fii wota on wadu junuubu. Kono si goddo aru e wadsude junuubu, haray hid'en mari Fattantoodo en moggo Baabaajo on, d'un ko Iisaa Almasiihu, Feewudo on. ² Ko fii kanko tigi ko o sadaka fii no hebiren yaafuyee junuubaaji men din,^a hinaa non fii di men din tun, kono ko fii di be aduna on fow.

³ Si en doftike yamirooje makko den, haray hid'en felliti wonde hid'en andi mo. ⁴ Kala on wi'udo no andi mo, hara o doftaaki yamirooje makko den, haray ko o fenoowo, goonga on alaa e makko. ⁵ Kono kala doftiido daaluyee makko on, haray giggol Alla ngol no timmi e makko, ko non andirten hiscen humondiri e makko. ⁶ Kala on wi'udo no humondiri e makko, haray no haani wuuirerde wano *Almasiihu on wuuirirnoo non.

⁷ Yibbe, hinaa yamiroore heyre mi woni windande on, ko yamiroore hinnde, nde hebunodon gila ka fuddoode. Ndee yamiroore hinnde, ko ngol kongol ngol nanudon. ⁸ Kono fow e mun, ko yamiroore heyre mi woni windande on. Haqiiqa mayre on no bangi e makko, no bangi e mon,

^a 2:2 2.2 Wobbe kadi no faamira: «sadaka dahoowo tikkere Alla nden.»

ko fii niwre nden no feyyude, awa kadi ndaygu haqiqawu ngun ndaygii toode.

⁹ On wi'udo no ka ndaygu e hoore ajugol musiddo mun, haray haa jooni himo ka niwre.

¹⁰ On mo yidi musidso mun, haray himo ka ndaygu, peggal woo alanaa mo. ¹¹ Kono on ajudo musidso mun ko ka niwre woni, ko e nder niwre o woni yahude, o andaa ka o woni yaarude, ko fii niwre nden wuminii gite makko den.

¹² Mido windande on, yo faybe, bay junuubaaji mon din yaaforaama sabu innde makko nden.

¹³ Mido windande on, yo baabiraabe, bay on andii on Woodanoodo gila ka fuddoode.

Mido windande on, yo sukaabe, bay on foolii bondo on.

¹⁴ Mi windanii on kadi, yo faybe, bay on andii Baabaajo on.

Mi windanii on kadi, yo baabiraabe, bay on andii Woodanoodo on gila ka fudfoode.

Mi windanii on kadi, yo sukaabe, bay hidson tiidi, daaluyee Alla on no e mon, awa kadi on foolii bondo on.

Fii Ajugol oo Aduna Boyliido

¹⁵ Wota on yidsu aduna on e ko woni e aduna on kon. On mo yidi aduna on, haray giggol Baabaajo on alaa e makko. ¹⁶ Ko fii kala ko woni e oo aduna, d'un ko mbeleede fandu e himmangol ko yi'i e mantorgol keyeeji aduna, hinaa e Baabaajo on iwri, kono ko e oo aduna. ¹⁷ Awa oo aduna e himmeeji mun ko ko woni feyyude, kono on wadoowo faale Alla on luttay haa poomaa.

Fii Reenagol e Dartotoobe Almasiihu on ben

¹⁸ Awa, yo faybe, ko saa'i sakkitoro on nii. Wano nanirdon non, liddotoodo Almasiihu on aray, e hay fewndo dsoo toode liddotoofe Almasiihu on duudube arii. Ko nii andirten wonde ko saa'i sakkitoro on nii. ¹⁹ Ben non ko e men iwi, kono hinaa be men, ko fii si be wonno be men, be luttidayno e men. Kono dun banginii wonde be fow wonaa be men.

²⁰ Onon kan, *Seniido on yedii on Ruuhu mun on, ko dun wadi si on fow hidon mari andal. ²¹ Mi windiranaali on wa si tawii on andaan goonga on, kono ko bay hidon andi, e hidon andi kadi wonde fenaande woo iwataa e goonga.

²² Ko hombo non woni on fenoowo, si hinaa on yeddudo wonde Iisaa ko Almasiihu? On ko liddotoodo Almasiihu on, yeddudo Baabaajo on e Bidso on. ²³ Awa kala yeddudo Bidso on hebaali Baabaajo on, kala qirritiido Bidso on, haray hebii Baabaajo on.

²⁴ Onon non, ko nanudon kon gila ka fudsfoode no haani wonude ka berde mon. Si tawii ko nanudon kon gila ka fudsfoode wonii ka berde mon, haray onon kadi on humondirii e Bidso on e Baabaajo on. ²⁵ Awa e hino fodaari ndi o wadani en ndin: ko *ngurndan poomayankejan dan.

²⁶ Mi windiranii on dun e telen-ma wonbe sfaynude on ben. ²⁷ Ko fii onon, Ruuhu mo hebirdon Almasiihu on no e mon, ko dun wadi on hatonjinaa e janneede, kono, wano Ruuhu makko on woni jannirde on piiji din fow non, (ko mo goonga, mo aldaa e fenaande), humondiree e

Almasiihu on wano Ruuhu makko on janniri on non.

Fii Faybe Alla ben

²⁸ Jooni non, yo faybe, humondiree e makko, fii, nde o feenoyi, yo en hebu hoolaare, e nde o ari, wota en hersu yeeso makko. ²⁹ Si tawii hidon andi ko o Feewudo, haray andee kala wadudo ko feewi ko jibinande makko.

3

¹ Ndaaree noone giggol ngol Baabaajo on yedi en ngol, haa noddaden faybe Alla. Awa kadi ko en dñun. E hino ko wadi kon si aduna on andaa en, ko fii o andaali mo. ² Yibbe, jooni non ko en faybe Alla. Ko wonoyten kon feeninaaka taho. Kono hidon andi, nde o feenoyi, en nandoyay e makko, ko fii en yi'oyay mo wano o woniri non. ³ Kala jogiido on tama'u e makko, haray no laabintinii wano kanko *Almasiihu on o laabiri non.

⁴ Kala non on wadudo junuubu, haray ontigi bonnii Sariya on, ko fii junuubu ko bonnugol Sariya. ⁵ Kono hidon andi, kanko Almasiihu on ko o feeniri ko fii ittugol junuubaaji, e hin-le junuubu alaa e makko. ⁶ Kala on humondirdo e makko duumotaako e wadugol junuubu. Kala non wadoowo junuubu, haray yi'aali mo, andaali mo.

⁷ Ko onon, yo faybe, wota hay gooto daynu on, ko fii kala on wadudo ko feewi, haray ko feewudo, wano kanko Almasiihu on o woniri feewudo non. ⁸ Kala non on wadoowo junuubu, haray ko mo Ibuliisa, ko fii gila ka fudsoode

Ibuliisa no wadude junuubu. *Biddo Alla on-le ko feeniri ko fii mulugol kuude Ibuliisa den. ⁹ Kala on jibinaado immorde e Alla duumotaako e wadugol junuubu, ko fii haray awdi Alla ndin no e makko, haray o waawataa wadude junuubu, bay ko e immorde e Alla woni ko o jibinaa. ¹⁰ Awa e hino ko bangini hakkunde faybe Alla ben e faybe Ibuliisa ben: kala on mo wadataa ko feewi, haray hinaa mo Alla, ko wano non kadi on mo yidaa musiddo mun.

Fii Yidindirgol

¹¹ E hino kibaaru mo nanudon on gila ka fuddoode: yidindiren. ¹² Wota en wa'u wa Qaayiinab, on mo Ibuliisa, warunoodo mijnpiraawo mun on. E ko fii hondun o waranno mo? Ko tawde kuude makko den kanko Qaayiina ko bonde, de mijnpiraawo makko on den kan ko feewude. ¹³ Musibbe an, si tawii aduna on no aji on, haray wota on naldsu. ¹⁴ Ko fii hidien andi ko e mayde iwuden, aruden e ngurndan, bay hidien yidi musibbe men ben. On mo alaa giggol, haray ko ka mayde woni. ¹⁵ Kala on apudo musicdo mun, haray ko waroowo. Hidien andi-le kala waroowo, haray *ngurndan poomayankejan alaa e makko.

¹⁶ E hino no andirten ko woni giggol: Almasihu on okkitirii ngurndan mun dan fii men, haray enen kadi hidien haani okkitirde ngurndan men dan fii musibbe men ben. ¹⁷ Si tawii goddo no mari ngaluuji aduna, o yi'ii musicdo makko

b **3:12** 3.12 «Qaayiina» no wi'ee kadi «Qaabila». Fud. 4

sokoldo, o ombanii mo gite, haray ko honno giggol Alla ngol wonirta e makko? ¹⁸ Ko onon, yo faybe, wota en yidir kongol maa denngal tun, kono yidiren kuugal e goonga. ¹⁹ Ko nii andirten ko en be goonga, berde men den hebirta kadi hoolaare yeeso makko. ²⁰ Hay si berde men den no felude en, Alla no buri berde men den mawnude, e himo andi fow.

²¹ Awa, yo yibbe, si tawii berde men den felaali en, haray hiden mari hoolaare yeeso Alla. ²² Kala ko toriden mo, en hebiray mo, bay hiden doftii yamirooje makko d'en, hiden wadfude ko welata mo. ²³ Awa e hino yamiroore makko nden: ko yo en gomdin innde Biddo makko on, d'un ko Iisaa Almasiihu on, yidsindiren kadi wano o yamiri en non. ²⁴ Kala on doftiido yamirooje makko d'en, haray no humondiri e Alla, Alla kadi no humondiri e makko. Awa kadi e hino no andirten wonde himo humondiri e men: ko *Ruuuhu Seniido mo o yedi en on andirden d'un.

4

Fii Ndarndagol Ruuhuji din

¹ Ko onon, yo yibbe, wota on hoolo kala neddo wi'udo Ruuhu Alla on no e makko, kono taskee be fii andugol si ruuhu wondo e maabbe on ko e Alla iwri, ko fii waditiibe annaba d'uudube arii e oo aduna. ² E hino no andirton si konguds maabbe din ko e Ruuhu Alla on iwri: kala qirritiido wonde Iisaa Almasiihu on wontuno neddo, o ari ka aduna, haray ko mo Alla. ³ Kala non mo qirritaaki Iisaa, haray hinaa mo Ruuhu Alla on, haray on ko mo liddotoodo *Almasiihu on, on mo

nanunodfon no arude. On non jooni no e aduna on.

⁴ Ko onon, yo faybe, ko on be Alla, awa kadi on foolii waditiibe annaba ben, ko fii Wondo e mon on no buri mawnude wondo e aduna on. ⁵ Ben ko be oo aduna, ko d'un wadi kongudfi mabbe din ko di oo aduna, awa kadi aduna on no hedaae di. ⁶ Enen-le, ko en be Alla. Kala on andudo Alla hedoto en, kono on mo tawata non wonaa mo Alla hedotaako en. Ko non andirten Ruuhu Goongaajo on e ruuhu fenaandeejo on.

Fii Giggol Alla ngol e Yidindirgol men ngol

⁷ Ko onon, yo yibbe, yidindiren, ko fii giggol ko ka Alla iwri, awa kala yidudo ko jibinaado immorde e Alla, haray himo andi Alla. ⁸ Kala mo aldaa e giggol, haray andaa Alla, ko fii Alla ko giggol. ⁹ E hino no giggol Alla ngol feeniri e men: Allaahu on addii Biddo makko bajjo on e nder oo aduna fii no wuuren immorde e makko. ¹⁰ E hino ko woni ngol giggol kon: hinaa ko yidusen Alla kon, kono ko ko o yidi en kon, o addiri Biddo makko on sadaka fii no hebiren yaafuyee junuubaaji men din. ¹¹ Bay Alla yidirii en nii, yo yibbe, haray enen kadi hid'en haani yidindirde. ¹² Hay gooto yi'aali Alla haa hande, kono si en yidindirii, haray Alla no humondiri e men, giggol makko wonungol e men ngol timma.

¹³ E hino no andirten hid'en humondiri e makko, kanko kadi himo humondiri e men: ko sabu Ruuhu makko mo o yedi en on. ¹⁴ Menen non men yi'ii, meden seeditaade wonde Baabaajo on nulii Biddo on fii dandugol aduna on. ¹⁵ Kala on qirritiido wonde Iisaa ko *Biddo

Alla, haray Alla no humondiri e makko, kanko kadi himo humondiri e Alla. ¹⁶ Awa, enen en andii, en gomdinii giggol ngol Alla yidi en ngol.

Alla ko giggol. Kala on wondudo e giggol, haray himo humondiri e Alla, Alla kadi no humondiri e makko. ¹⁷ Ko nii giggol ngol timmiri e men, fii no hebiren hoolaare jande naawoore nden. Wano o woniri non kanko, enen kadi ko non wonirsden e oo aduna. ¹⁸ Kulol alaa e nder giggol, kono giggol timmungol radoto kulol, bay kulol no tijji donkineede. Awa kadi, kala on huludo, haray giggol ngol timmaa e makko. ¹⁹ Enen non hidén yidi, bay ko kanko adii en yidude. ²⁰ On mo wi'i no yidi Alla, e hoore himo apí musiddó makko, haray ko fenoowo. Ko fii on mo yidaali musiddó mun mo o renti on, haray o waawataa yidude Alla mo o rentaa on. ²¹ Awa, ko ndee yamiroore doo hebirdsen mo: mo no yidi Alla, yo yifu kadi musicdo mun on.

5

Fii Gomdingol Bidso Alla on

¹ Kala on gomdindo wonde ko Iisaa woni *Almasiihu on, haray ko jibinaado immorde e Alla, e kala yidufu Baabaajo on yiday Bidso on kadi. ² E hino no andirten hidén yidi faybe Alla ben: ko si en yidii Alla, en doftike yamirooje makko den. ³ Ko woni yidsugol Alla: ko doftagol yamirooje makko den. Yamirooje makko den-le hinaa sattude, ⁴ ko fii on jibinaado ka Alla foolay oo aduna. Awa e hino polgal foolungal aduna on: ko gomfinal men ngal. ⁵ Ko hombo woni on

fooludo aduna on, si hinaa on gomfindo wonde Iisaa ko *Biddo Alla?

⁶ Ko kanko Iisaa Almasiihu on ardi e ndiyan e yiiyan, hinaa non ndiyan tun o ardi, kono ko ndiyan e yiiyan. Awa ko Ruuhu Allaahu on woni seeditaade, bay on Ruuhu ko o goonga. ⁷ Ko fii ko piiji tati woni seeditaade: ⁸ ko Ruuhu Allaahu on e ndiyan d'an e yiiyan d'an, din non tati hidfi fotti. ⁹ Hiden jabude seeditooje yimbe ben, kono ko seeditoore Alla nden buri mawnude, dun ko seeditoore nde Alla seeditii fii Biddo makko on nden. ¹⁰ Kala on gomfindo Biddo Alla on, haray nden seeditoore no e makko. Kono on mo gomfinaa Alla non, haray o wadii mo fenoowo, ko fii haray o gomfinaa seeditoore nde Alla seeditii fii Biddo mun on nden. ¹¹ Awa e hino nden seeditoore: Alla okkii en *ngurndan poomayankejan, d'an ngurndan non no e Biddo makko on. ¹² Kala humondirso e Biddo on no mari ngurndan d'an. Kala mo humondiraa e Biddo Alla on haray alaa d'an ngurndan.

Fii Kongudi Rawnordi din

¹³ Mi windanii on dun fii no andiron wonde hidon mari ngurndan poomayankejan, onon bee gomdinbe e innde Biddo Alla on. ¹⁴ Awa e hino hoolaare nde battorten Alla nden: si en torike mo godsun ko yaadi e faale makko on, o hedoto en. ¹⁵ Bay non hidien andi himo hedii kala ko toridien mo, haray hidien andi en hebii ko toridien mo kon. ¹⁶ On mo yi'i musicdo mun no wada junuubu mo nawrataa e mayde, yo o torano mo, Alla yeday mo ngurndan, dun non ko ben wadoobe junuubu mo nawrataa e mayde.

Kono no woodi junuubu nawroowo e mayde, hinaa fii on junuubu mi wi'i yo tore. ¹⁷ Kala ko aldaa e peewal ko junuubu, kono no woodi non junuubaaji dī nawrataa e mayde.

¹⁸ Hiden andi kala on jibinaado immorde e Alla, o duumotaako e wadugol junuubu, kono Bidso Alla on reenay mo, danda mo, hara Bondo on meemataa mo. ¹⁹ Hiden andi ko en be Alla, awa kadi aduna on fow no e ley doole Bondo on. ²⁰ Hiden andi kadi Bidso Alla on arii, o okkii en faamu fii andugol Goongaajo on. Hiden humondiri-le e Goongaajo on, bay hidsen humondiri e Bidso makko on, d'un ko lisa Almasiihu. Ko on woni Alla Goongaajo on e ngurndan poomayankejan d'an.

²¹ Ko onon, yo faybe, reenee e sanamuuji din!

**Version Pular Fuuta-Jallon
The New Testament in the Fouta-Jallon Pular
language of Guinea**

copyright © 2010 Pioneer Bible Translators

Language: Pular

Translation by: Traducteurs Pionniers de la Bible

Contributor: Pioneer Bible Translators

This translation, published by Pioneer Bible Translators, was published in 2011.

If you are interested in obtaining a printed copy, please contact wab.admin@pbt.org.

The translation was completed in collaboration with Christian Reformed World Mission.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-02-06

PDF generated using Haiola and XeLaTeX on 11 Nov 2022 from source files dated 29 Jan 2022

024b8126-79ef-5039-bc54-7d61889f8ae6